

GJYKATA THEMELORE NË PRISHTINË, Departamenti i Përgjithshëm- Divizioni Civil, me gjyqtaren Mevlide Kosumi Qarri, në çështjen juridike kontestimore të paditësit E.R rr. "Rr.S" nr.. në P, të cilin sipas autorizimit e përfaqëson av. G.H nga P., kundër të paditurës SH.V Lagia "M.1", në P, të cilën e përfaqëson i autorizuari N.K avokat në P. për lirimin e banesës, me datë 19.04.2018, mori këtë,

AKTGJYKIM NË BAZË TË HEQJES DORË NGA KËRKESËPADIA

I.REFUZOHET kërkesëpadia e paditësit E.R nga P. kundër të paditurës SH.V nga P., lidhur me çështjen e liritimit të banesës.

II.Secila palë i bart shpenzimet procedurale.

A r s y e t i m

Paditësi E.R nga P. me datë 12.06.2012 ka ushtruar padi në këtë gjykatë kundër të paditurës SH.V nga P. për lirimin e banesës.

Gjykata ka caktuar seancën përgatitore në të cilën kanë prezantuar të autorizuarit e palëve ndërgjyqëse.

I autorizuari i paditësit është deklaruar se heqë dorë nga kërkespadia në këtë çështje kontestimore pasi që paraprakisht ka marr pëlqimin e palës paditëse të tërhiqet nga kjo kërkesëpadi. Shpenzimet e procedurës nuk i ka kërkuar.

I autorizuari i të paditurës në deklaratimet e tij nuk e konteston heqjen dorë nga kërkespadia e paditësit, ndërsa shpenzimet e procedurës i ka kërkuar.

Gjykata, vendosi si në dispozitiv të këtij aktgjykimi, pasi që erdhi në përfundim se janë plotësuar të gjitha kushtet ligjore të parapara me par.1 të nenit 149 të LPK-së. Ndërsa në anën tjetër gjykata nuk gjeti ndonjë pengesë ligjore të paraparë me nenin 3 par.3 të LPK-së, të cilat do të ndikonin në marrjen e këtij aktgjykimi.

Vendimi mbi shpenzimet e procedurës është i bazuar në dispozitivin e nenit 450 të LPK-së, lidhur me nenin 463.1 të të njëjtit ligj ashtu që secili pjesëmarrës i procedurës i bartë shpenzimet e veta procedurale.

Nga sa u tha me lartë, u vendos si në dispozitiv të këtij aktgjykimi.

GJYKATA THEMELORE NË PRISHTINË
Departamenti i Përgjithshëm
C.nr.1595/12 datë 19.04.2018

Gjyqtarja
Mevlide Kosumi Qarri

KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit të të njëjtit, Gjykatës së Apelit në Prishtinë përmes kësaj gjykate.